



*Malako ma eyenga ya mbotama 2015*

### ***Mbotama : ut'o eyenga tee na esengo***

Mingi bazali koloba : eyenga eye ya mbotama ekozala lokola biyenga bisusu té. Soki tokanisi baye bawei na mobulu moye moleki na zanza éléki mpe na mabota ma bango, soki tokanisi bakristu bazali konyokwama bipayi na bipayi mpe baye banso bazali konyokwama mpo balingi boboto mpe bosembo, soki tokanisi baye banso bazali kokima mboka ya bango, soki tokanisi minyoko miye mya bomoyi bwa biso, ndenge nini tokoki kosepela eyenga ya mbotama lokola 'te manso na bomoyi bwa biso mazali malamumu ?

Mpo ya biso bakristu, ezali mpenza mpenza likambo ya feti té kasi ya koyoka esengo o kati ya mitema mya biso ! Koyoka esengo mpo ya mbotama ya mwana oyo ayei kosangana na bato mpo'te moto azwa libiki. Mpo ya bokokisi mokano mwango, mwana ona azali na nguya moko té, ezala ya politiki to mpe ya mambi ma molimo. Azalaki se kotambola na ba nzela, koleka na mboka yoko yoko mpe kosakola nsango eye ezali kosepelisa motema mwa moto. Bonene bwa nsango ya ye, liziba lya esengo, ezali 'te elongo na Yezu-Kristu, libiki lya Nzambe lizali kosala na kati ya mokili mobimba. Uta sikawa, libiki liye lilongi bokasi bwa banguna ba bato mpe molili mwa liwa ndenge makamwisi ma ye mazali komonisa polele misala mya Yezu : « *bato bakufa miso to bato ba lolanda bamoni, bakoka batelemi, bato ba maba bazwi bopeto mpe baye bakufa matoyi bayoki, baye bawei basekwi...* »<sup>1</sup> Bokasi bwa libiki lya Nzambe bokomonana na bonzenga té, na mobulu mpe té, kasi ezali lokola nkisi eye ekotombola mampa to mpe mbuma moke eye awa ekoli ekokoma nzete enene.<sup>2</sup> Nabokamwi mingi mpenza, libiki lya Nzambe ekomonono polele na liwa lya Yezu na kuruze.

O eyenga eye Mbotama, awa tozali kokundola mibu ntuku mitano mya diosezi ya biso, totika té esengo ya elikya ya biso ekweya.<sup>3</sup> Na ntango elikya ya biso elembi, tosembola miso epayi ya mwana Yezu, mpamba té baye bakondima libiki lya yen de babiki na lisumu, na mawa, na mbindo ya motema, na mpe nabobungi. Elongo na Yezu-Kristu, totondi mpe tokotondo na esengo ntango inso.<sup>4</sup>

Na bino banso mpe na mabota ma bino, natombeli eyenga elamu ya mbotama !

+ Pascal Delannoy,  
Episkopo wa Saint-Denis-en-France

---

<sup>1</sup> Lc, 7, 22

<sup>2</sup> Mt. 13, 31-33

<sup>3</sup> Totanga « *La joie de l'Évangile* », maloba ma mosantu papa François, § 86

<sup>4</sup> Totanga lisusu « *La joie de l'Évangile* », maloba ma mosantu papa François, § 1